

圖經衍義本草卷之三十二

四七

圖經衍義本草卷之三十二

日七

宋通直郎辨驗藥材寇宗奭編集

宋太醫助教辨驗藥材許洪校正

蟲魚部中品

蝟



蝟皮

味苦平無毒主五痔陰蝕下血赤白五色血汁不止陰腫痛引腰背酒煮殺之又療腹痛疝積亦燒灰為末酒服之生楚山川谷田野取無時勿使中濕得酒良畏桔梗麥門冬

曰七

圖經曰蝟皮生楚山川谷田野今在處山林中皆有之狀類獐狍脚短多刺尾長寸餘人觸近便藏頭足外皆刺不可嚮爾惟見鵲則反腹受啄或云惡鵲聲故欲搯取之猶蚌蟪也此類亦多惟蒼白色脚似猪

蹄者佳鼠脚者次

藥性論云蝟皮臣味甘有小毒主腸風瀉
血痔病有頭多年不差者炙末白飲下方
寸七燒末吹主鼻衄甚解一切藥力

陶隱居云田野中時有此獸人犯近便藏

頭足毛刺人不可得捉能跳入虎耳中而
見鵲便自仰腹受啄物有相制不可思議
爾其脂焯鐵注中內少水銀則柔如鉛錫
矣

日華子云開胃氣止血汗肚脹痛疝氣脂

治腸風瀉血作猪蹄者妙鼠脚者次

孟詵云蝟食之肥下焦理胃氣其脂可主
五金八石皮燒灰酒服治胃逆又煮汁服
止反胃又可五味淹炙食之不得食骨令
人瘦小

曰六

食療云平其肉可食以五味汁淹炙食之
良不得食其骨也其骨能瘦人使人縮小
也謹按主下焦弱理胃氣令人能食其皮
可燒灰和酒服及炙令黃煮汁飲之主胃
逆細剉炒令黑入丸中治腸風鼠疥痔效

主腸風痔瘻可煮五金八石與桔梗麥門
冬反惡

外臺秘要方治五痔蝟皮方三指大切熏
黃如棗大熟艾右三味穿地作坑調和取
便熏之取口中熏黃烟氣出爲佳火氣稍
盡即停三日將息更熏之三度永差勿犯
風冷羹臠將補謹忌雞猪魚生冷二十日
後補之

千金翼方治蠱毒下血蝟皮燒末水服方
寸七當吐蠱毒

肘後方治_腸痔大便血燒蝟皮傳之

聖惠方治鼻衄塞鼻散用蝟皮一大枚燒

末研用半錢綿裏塞鼻

衍義曰蝟皮取乾皮兼刺用刺作刷治純
帛絕佳此物兼治胃逆開胃氣有功從蟲

曰七

三

從胃有理焉膽治鷹食病世有養者去而
復來久亦不去當縮身藏足之時人溺之
即開合穿山甲等分燒存性治痔入肉豆
蔻一半末之空肚熱米飲調二錢服隱居
所說跳入虎耳及仰腹受啄之事唐本注

見檳亦當然

露蜂房



露蜂房

味苦鹹平有毒主驚癇瘈瘲寒熱邪

氣癩疾鬼精蠱毒腸痔火熬之良又療蜂毒

腫一名蜂腸一名百穿一名蜂勑

音窠生牂牯

山谷七月七日採陰乾惡乾薑丹參黃芩芍

藥牡蠣

圖經曰露蜂房生狎犴山谷今處處山林
中皆有之此木上大黃蜂窠也大者如瓮
小者如桶其蜂黑色長寸許螫牛馬及人
乃至欲死者用此尤效人家屋間亦往往
有之但小而力慢不堪用不若山林中得
風露氣者佳古今方書治牙齒湯多用之
七月十日採又云十一月十二月採者佳
亦解蠱毒又主乳石發動頭痛煩熱口乾

便旋赤少者取二分多以水二升煮取八
合分温再服當利小便諸惡毒隨便出
陶隱居云此蜂房多在樹腹中及地中今
此曰露蜂當用人家屋間及樹枝間苞裹
者乃遠舉狎未解所以

曰七

四

藥性論云土蜂房亦可單用不入服食能
治臃腫不消用醋水調塗乾即更易

日華子云露蜂房微毒治牙齒疼痢疾乳
癰蜂叮惡瘡即煎洗入藥並灸用

千金方蜂螫人用蜂房末猪膏和傅之揚

氏產乳蜂房煎湯洗亦得

肘後方治若鼻中外查瘤膿水血出蜂房
火炙焦末酒服方寸七日七

經驗方解藥毒上攻如聖散蜂房甘草等
分用麩炒令黃色去麩為末水二碗煎至

八分一椀令溫臨卧頓服明日取一惡物
簡要濟衆方治婦人乳癰汁不出內結成
膿腫名垢乳方蜂房燒灰末每服二錢水
一中煎至六分去滓溫服

勝金方治小兒咳嗽蜂房二兩淨洗去蜂

糞及泥土以快火燒為灰每服一字飯飲
調下

廣利方治頭痛煩熱口乾小便赤少蜂房
十二分炙水二升煎取八合分為二服當
利小便諸惡石毒隨小便出之○又方治

曰七

五

熱病後毒氣衝目痛蜂房半兩水二升煮
取一升重濾洗目日三四度治赤目翳

集驗方治風氣客於皮膚瘙癢不已蜂房
炙過蟬蛻等分為末酒調一錢匕日三二
服

子母秘錄方小兒大小便不通蜂房燒末
酒服二錢日二服

衍義曰露蜂房有兩種一種小而其色淡
黃窠長六七寸至一尺者闊二三寸如蜜
脾下垂一邊是房多在叢木鬱翳之中世
謂之牛舌蜂又一種或在高木上或屋之
下外作固如三四斗許小者一二斗中有
窠如瓠之狀由此得名蜂色赤黃其形大
於諸蜂世謂之玄瓠蜂蜀本圖經言十一

月十二月採者應避生息之時也今人用

露蜂房兼用此兩種

鱉甲



鱉甲

味鹹平無毒主心腹癥瘕堅積寒熱去

痞息肉陰蝕痔惡肉療溫瘡血瘕腰痛小兒

脇下堅○肉味甘主傷中益氣補不足生丹

陽池澤取無時惡礬石

圖經曰鱉生丹陽池澤今處處有之以嶽
州沅江其甲有九肋者為勝取無時仍生
取甲剔去肉為好不用煮脫者但看有連
厭及乾巖便真若上兩邊骨出是已彼煮

曰七

六

也古今治癥癖虛勞方中用之最多婦人
漏下五色羸瘦者燒甲令黃色篩末酒服
方寸匕日二又合訶梨勒皮乾薑三物等
分為丸空腹服三十九治癖最良又醋炙
令黃搗末以牛乳一合調一起朝日服之

主疰氣其肉食之亦益人補虛去血熱但不可久食則損人以其性冷耳

藥性論云鱉甲使惡理石能主宿食癥塊疰癖氣冷疲勞瘦下氣除骨熱骨節間勞熱結實擁塞治婦人漏下五色羸瘦者但

燒甲令黃色爲末清酒服之方寸匕日二服

陶隱居云生取甲剔去肉爲好不用煮脫者今看有連厭及乾巖便好若上有甲兩邊骨出已被煮也用之當炙夏月剉鱉以

赤莧包置濕地則變化生鰲人有裹鰲甲
屑經五月皆能變成鰲子其肉亦不足食
多作癥瘕其目陷者及合雞子食之殺人
不可合莧菜食之其肉下有如王字形者
亦不可食

見

七

日華子云鰲益氣調中婦人帶下治血瘕
腰痛鰲甲去血氣破癥結惡血墮胎消瘡
腫并撲損瘀血瘡疾腸癰頭燒灰療脫肛
孟詵云鰲主婦人漏下羸瘦中春食之美
夏月有腥氣岳州昌江者為上赤足不可

食殺人

雷公云凡使要綠色九肋多裙重七兩者
爲上治氣破塊消癥定心藥中用之每箇
寸甲以六一泥固濟甕子外了乾於大火
以物措於中與頭醋下火煮之盡三升醋
爲度仍去裙并肋骨了方炙乾然後入藥
中用

聖惠方治久患勞瘵瘴等方用鱉甲三兩
塗酥炙令黃去裙爲未臨發時溫酒調下
二錢匕○又方治小兒尸疰勞瘦或時寒

熱方用鰲頭一枚燒灰杵末新汲水下半
錢匕

千金方治脫肛歷年不愈死鰲頭一枚燒
令煙絕杵末以傅肛上手按按之

千金翼方治丈夫陰頭癰師所不能醫鰲

甲一枚燒令末之以雞子曰和傅之良

肘後方治篤病新起早勞食飲多致復欲

死燒鰲甲服方寸匕

楊氏產乳方療上氣急滿坐卧不得方鰲

甲一大兩炙令黃細搗爲散取燈心一握


熱水二升煎取五合食前服錢匕食後蜜水服一錢匕

衍義曰蟹甲九肋者佳煮熟者不如生得者仍以醃醋炙黃色用經中不言治勞惟蜀本藥性論云治勞瘦除骨熱後人遂用

曰七

之然甚有據亦不可過劑頭血塗脫肛又燒頭灰亦治之

蟹



蟹 味鹹寒有毒主胃中邪氣熱結痛啞僻面腫敗漆燒之致鼠解結散血愈漆瘡養筋氣爪主破胞墮胎生伊洛池澤諸水中取無時殺菘茗毒

圖經曰蟹生伊洛池澤諸水中今淮海京東河北陂澤多有之伊洛乃反難得也八足三螯大者箱角兩出足節屈曲行則旁

橫今人以爲食品之佳味獨螯獨目及兩
目相向者皆有大毒不可食其黃能化漆
爲水故塗漆瘡用之黃并肉熬末以內金
瘡中筋斷亦可續黃并螯燒煙可以集鼠
於庭爪入藥最多胡洽療孕婦僵仆胎轉

日七

九

上搶心困篤有蟹爪湯之類是也

陶隱居云蟹類甚多蝟音道 蝶音謀 擁劔彭蠡

越音皆是並不入藥惟蟹最多有用仙方以

化漆爲水服之長生以黑犬血灌之二日

燒之諸鼠畢至未被霜甚有毒云食水莨

建音所爲人中之不即療多死目相向者亦
殺人服冬瓜汁紫蘇汁及大黃丸皆得差
海邊又有彭蜺擁劍似彭蠡而大似蟹而
小不可食蔡謨初渡江不識而噉之幾死
歎曰讀爾雅不熟幾爲勸學所誤

日華子云螃蟹涼微毒治產後肚痛血不
下並酒服筋骨折損傷生搗炒罾良腳爪
破宿血止產後血閉肚痛酒及醋湯煎服
良又云蝤蛸冷無毒解熱氣治小兒痞氣
孟詵云蟹主散諸熱治胃氣理經脉消食

八月輸芒後食好未輸時爲長未成就醋
食之利尿管去五藏中煩悶氣其物雖形
狀惡食甚宜人



百一方金瘡方續筋多取蟹黃及腦并足
中肉熬末納瘡中

簡要濟衆方小兒解顱不合生蟹足骨半
兩焙乾白斂半兩爲末用乳汁和貼骨縫
上以差爲度

楊氏產乳方妊娘人不得食螃蟹令兒橫
生也

衍義曰蟹伊洛絕少今多自京師來京師亦自河北置之今河北沿邊滄瀛州等處所出甚多徐州亦有但不及河北者小兒解顱以螯并白及爛搗塗顱上顱合此物極動風體有風疾人不可食屢見其事泊北人取之當八九月蟹浪之時直於塘灤岸上伺其出水而拾之又夜則以燈火照捕始得之時黃與白滿殼凡收藏十數日不死亦不食此物每至夏末秋初則如蟬蛻解當日名蟹之意必取此義

蚱蟬



蚱蟬

又蚱音側

味鹹甘寒無毒主小兒驚癇夜

啼癲病寒熱驚悸婦人乳難胞衣不出又墮

胎生楊柳上五月採蒸乾之勿令蠹

圖經曰蚱蟬本經不載所出州土但云生

楊柳上今在處有之陶隱居以爲啞蟬蘇
恭以爲鳴蟬二說不同按字書解蚱字云
蟬聲也月令仲夏之月蟬始鳴言五月始
有此蟬鳴也而本經亦云五月採正與月
令所記始鳴者同時如此蘇說得之矣蟬
日七
類甚多爾雅云蝮馬蝮郭璞注云蝮中最
大者爲馬蟬今夏中所鳴者比衆蟬最大
陶又引詩鳴蜩嘒嘒云是形大而黑昔人
所噉者又禮冠之餘附蟬者亦黑而大皆
此類也

藥性論云蚱蟬使味酸主治小兒驚哭不止殺疳蟲去壯熱治腸中幽幽作聲又云蟬蛻使主治小兒渾身壯熱驚癇兼能止渴

唐本註云別錄云殼名枯蟬一名伏蜻音育

主小兒癇女人生子不出灰服之主久痢又云蚱者鳴蟬也主小兒癇絕不能言今云啞蟬啞者則雌蟬也極乖體用按諸蟲獸雄者為良

雷公云味鹹無毒

聖惠方治風頭旋用蟬殼二兩微炒爲末
非時溫酒下一錢七

集驗方治風氣客皮膚癢痒不已蟬蛻薄
荷葉等分爲末酒調一錢七日三服

御藥院方治頭風目眩蟬蛻末飲湯下


衍義曰蚱蟬夏月身與聲皆大者是始終
一般聲仍皆乘昏夜方出土中升高處皆
殼拆蟬出所以皆夜出者一以畏人二畏
日炙乾其殼而不能蛻也至時寒則墜地
小兒蓄之雖數日亦不須食古人以謂飲

風露信有之蓋不糞而溺亦可見矣西川
 有蟬花乃是蟬在殼中不出而化為花自
 頂中出又殼治目昏翳又水煎殼汁治小
 兒出瘡癩不快甚良

蟬花

曰七

十二




蟬花味甘寒無毒主小兒天吊驚癇瘈瘲夜啼心悸所在皆有七月採生苦竹林者良花出土上

圖經曰文具蚱蟬條下

雷公云凡使要白花全者收得後於屋下東角懸乾去甲土後用漿水煮一日至夜焙乾碾細用之

衍義曰文具蚱蟬條下

蟻螞



齊螞味鹹微温微寒有毒主惡血血瘀痺氣

破折血在脇下堅滿痛月閉目中淫膚青腎

白膜療吐血在胃腹不去及破骨踈折血結

金瘡內塞產後中寒下乳汁一名蟻扶文螞

一名聖音肥齊一名敦齊生河內平澤及人家

積糞草中取無時反行者良蜚蠊為之使惡

附子

圖經曰蠚螬生河內平澤及人家積糞草中今處處有之大者有如足大指以背行反馱於脚採無時反行者良此爾雅所謂蠚螬螬郭璞云在糞土中者是也而諸朽木中蠹蟲形相似但潔白於糞土中者即爾雅所云蠚螬蝓又云蝓蝓又云蝓桑蟲郭云在木中雖通名蝓所在異者是此也蘇恭以謂入藥當用木中者乃與本經云生積糞草中相戾矣

藥性論云蠚螬臣汁主滴目中去腎障主
血止痛

陶隱居云大者如足大指以背行反馱於
脚雜猪蹄作羹與乳母不能別之詩云領
如蠚螬今此別乏名以蠚字在下恐此云

蠚螬倒爾

唐本註云此蟲有在糞聚或在腐柳樹中
者內外潔白土糞中者皮黃肉黑黯形色
既異土木又殊當以木中者為勝採雖無
時亦宜取冬月為佳按爾雅一名蝮音一

名蝮蝨一名蠟蟻今按陳藏器本草云蠟
蟻主赤白遊癩以物發癩破碎蠟蟻汁塗
之

禹錫云按蜀本註云今據爾雅蠟蟻蟻注
云在糞土中本經亦云一名蠟蟻又云生

曰七

十四

積糞草中則此外恐非也今諸朽樹中蠹
蟲俗通謂之蝎莫知其主癩惟柳樹中者
近方用之治眼得效

外臺祕要方刪繁丹走皮中浸淫名火丹
方取蠟蟻末傳之


千金方治稻麥芒入眼取蠚螬以新布覆
目上持蠚螬從布上摩之其芒出著布上
良也

百一方諸竹木刺得肉中不出蠚螬碎之
傅刺上立出

衍義曰蠚螬此蟲諸腐木根下有之搆木
津甘故根下多有此蟲其木身未有完者
亦有生於糞土中者雖肥大但腹中黑不
若木中者雖瘦而稍白生研水絞汁濾清

飲下妙

烏賊魚



烏賊魚

骨味鹹微温無毒主女子漏下赤白
經汁血閉陰蝕腫痛寒熱癥瘕無子驚氣入
腹腹痛環臍陰中寒腫令人有子又止瘡多
膿汁不燥○肉味酸平主益氣強志生東海

池澤取無時惡白斂白及附子

圖經曰烏賊魚出東海池澤今近海州郡
皆有之云是顛烏所化今其口脚尤存頗
相似故名烏魷能吸波噴墨以溷水所以
自衛使水匿不能爲人所害又云性嗜烏

曰七

十五

每暴水上有飛鳥過謂其已死便啄其腹
則卷取而食之以此得名言爲烏之賊害
也形若革囊口在腹下八足聚生口傍只
一骨厚三四分似小舟輕虛而白又有兩
鬚如帶可以自纜故別名纜魚南越志云

烏賊有矴遇風便虬前一鬚下矴而往矴亦纜之義也腹中血及膽正如墨中以書也世謂烏賊懷墨而知禮

藥性論云烏賊魚骨使有小毒止女人漏血主耳聾

陶隱居云此是黽音剝烏所化作今其口脚具存尤相似爾用其骨亦炙之其魚腹中有墨今作好墨用之

唐本註云此魚骨療牛馬目中障翳亦療人目中翳用之良也

陳藏器云烏賊魚骨主小兒痢下細研爲末飲下之亦主婦人血痕殺小蟲并水中蟲投骨於井中蟲死腹中墨主血刺心痛醋摩服之海人云昔秦王東遊棄筭袋於海化爲此魚其形一如筭袋兩帶極長墨尤在腹也

曰七

十六

孟詵云烏賊骨主目中一切腎細研和蜜點之又骨末治眼中熱淚

日華子云烏賊魚通月經骨療血門殺蟲心痛甚者炒其墨醋調服也又名纜魚鬚

脚悉在眼前風波稍急即以鬚粘石爲纜
食療云骨主小兒大人下痢灸令黃去皮
細研成粉粥中調服之良其骨能銷一切
目中浮翳細研和蜜點之妙又點馬眼熱
淚甚良久食之主絕嗣無子益精其魚腹
中有墨一井堪用書字
聖惠方治傷寒熱毒氣攻眼生赤白翳用
烏賊魚骨一兩不用夫皮杵末入龍腦少
許更研令細日三四度取少許點之
外臺祕要方治瘰癧風及三年醋磨烏賊

魚骨先布磨肉亦即傳之

千金方治婦人水戶痛烏賊魚骨燒末

酒下方寸已日二服

子母秘錄方治小兒重舌燒烏賊魚骨和


雞子黃傳喉及舌上

衍義曰烏賊魚乾置四方人炙食之又取

骨鏤為鈿研細水飛沉下比去水日乾之

熟米和得所點目中醫緩取效

鰻鱺魚



鰻鱺魚

鰻鱺

音護 音黎

味甘有毒主五痔瘡癩殺諸

蟲

圖經曰鰻鱺魚本經不載所出州土今在

處有之似鯽而腹大青黃色云是蛟蜃之

類善攻碕岸使輒頽弛近江河居人酷畏

之此魚雖有毒而能補五藏虛損久病罷

瘵人可和五味以米煮食之患諸瘡痔漏
及有風者長食歙州出一種背有五色紋
其功最勝出海中者名海鰻相類而大功
用亦同海人又名慈鰻又名獨狗魚
陶隱居云能援樹食藤花形似鱓取作臠

食之炙以熏諸木竹辟虻蟲膏瘵諸瘰瘡

又有鱮音秋亦相似而短也

日華子云海鰻平有毒治皮膚惡瘡疥疔
匿痔瘻又名慈鰻獨狗魚又云鰻魚平微
毒治勞補不足殺傳尸疰氣殺蠱毒惡瘡

暖腰膝起陽療女人產尸瘡蟲痒

聖惠方治諸蟲心痛多吐四肢不和冷氣
上攻心腹滿悶用鰻鱺魚淡炙令熟令患
人三五度食之○又方治骨蒸勞及腸風
下蟲以魚二斤治如食法切作段子入鐺

曰七

十八

內以酒三盞煮鹽醋食

經驗方治惡瘡用鮫魚骨作末入諸色膏
藥中相和合傳上紙花子貼之

食醫心鏡云主五痔瘻瘡殺蟲方鰻鱺魚
一頭治如食法切作片炙著椒鹽醬調和

食之

稽神錄云有人多得勞疾相因染死者數人取病者於棺中釘之弃於水永絕傳染之病流之於江金山有人異之引岸開視見一女充活因取置漁舍多得鰻鱺魚食之病愈遂爲漁人妻

衍義曰鰻鱺魚生剖曬乾取少許火上微炙俟油出塗白剥風以指擦之即時色轉凡如此五七次用即愈仍先於白處微微擦動

鮫魚甲

鮫音駝

味辛微温有毒主心腹癥瘕伏

堅積聚寒熱女子崩中下血五色小腹陰中

相引痛瘡疥死肌五邪涕泣時驚腰中重痛

小兒氣癰皆潰○肉主少氣吸吸足不立地

生南海池澤取無時蜀漆為之使畏狗膽荒

日七

十九

花甘遂

圖經曰鮫甲生南海池澤今江湖中多即

鼉也形似守宮陵鯉輦而長一二丈背尾

俱有鱗甲善攻碯岸夜則出邊岸人甚畏

之南人食其肉云色白如雞但發冷氣痼

疾其皮亦中冒鼓其頭骨燒灰研末米飲
服主腸風痔疾甚者入紅雞冠花末白礬
爲末和之空腹服便差今醫者少有用鼈
鮐甲者


陳藏器云主惡瘡腹內癥瘕甲更佳炙酒
浸服之口內涎有毒也

藥性論云鼈甲臣味甘平有小毒主百邪
鬼魅婦人帶下除腹內血積聚伏堅相引
結痛

孟詵云鼈療驚恐及小腹氣疼

日華子云鼈甲臣平無毒主五藏邪氣殺
 百蟲毒消百藥毒續人筋骨又脂塗鐵燒
 之便明淮南王方術內用之

白殭蠶



白殭蠶

味鹹辛平無毒主小兒驚風癩夜啼去

三蟲滅黑黥令人而色好男子陰瘍病女子崩中赤白產後餘痛滅諸瘡癥痕生潁川十澤四月取自死者勿令中濕濕有毒不可川也

圖經曰白殭蠶生潁川平澤今所在養蠶

日七

二十

處皆有之用自殭死白色而條直者為佳四月取勿令中濕濕則有毒不可用用時仍去綿絲及子炒過今醫家用治中風急喉痺欲死者搗篩為末生薑自然汁調灌之下喉立愈又合衣魚鷹屎白等分為末

面膏和塗瘡癩疵便出

藥性論云白殭蠶惡桑螵蛸桔梗茯苓神草薛有小毒治口噤發汗主婦人崩中下血不止與衣中白魚鷹屎白等分治瘡滅癩

陶隱居云人家養蠶時有合箔皆殭者即暴燥都不壞今見小白色似有鹽度者為好末以塗馬齒即不能食草以桑葉拭去乃還食此明蠶即馬類也

日華子云殭蠶治中風失音并一切風疾

小兒客忤男子陰痒痛女子帶下入藥除
綿絲并子盡勻炒用又云蠶蛹子食治風
及勞瘦又研傅蠱疔惡瘡等

聖惠方治風遍身癢癩疼痛成瘡用白殭
蠶少許焙令黃色細研爲末用酒服之立

曰七

二十一

差又方主偏正頭疼并夾腦風連兩太陽
穴疼痛以白殭蠶細研爲末温茶調服方
寸七

小兒宮氣方主小兒口瘡通白者及風疔
瘡蝕透者以白殭蠶炒令黃色拭去蠶上

黃肉毛爲末用蜜和傅之立效

斗門方治中風急喉痺欲死者用白殭蠶

以火焙乾令黃色搗篩爲末用生薑自然

汁調灌

千金方主婦人崩中下血不止以衣中白

魚殭蠶等分爲末以井花水服之日三服

即差

衍義曰白殭蠶然蠶有兩三番惟頭番殭

蠶最佳大而無蛆治小兒驚風白殭蠶竭

稍等分天雄尖附子尖共一錢微泡過爲

細末每服一字或半錢以生薑溫水調灌
之其蠶蛾則第二番者以其敏於生育

蠶蛾



原蠶蛾

雄者有小毒主益精氣強陰以交接

不倦亦止精○屎溫無毒主腸鳴熱中消渴

風痺癭瘰

陶隱居云原蠶是熏養者俗呼爲魏蠶道家用其蛾止精其羗爾入術用屎名蠶沙多入諸方用不但熨風而已也

圖經曰原蠶蛾本經不載所出州土今東

曰七

二十二

南州郡多養此蠶處處皆有之此是重養者俗呼爲晚蠶北人不甚再養蓋惡其損桑而周禮禁原蠶者鄭康成注云爲其傷馬傷馬亦是其一事耳淮南子曰原蠶一歲再登非不利也然王法禁之者爲其殘

桑是也人既稀養市中貨者亦多早蛾不
可用也至於用蠶沙蠶退亦須用晚出者
惟白殭蠶不看早晚但用白而條直者

陳藏器云原蠶一名蠶沙淨去取曬乾炒
令黃袋盛浸消去風護諸節不隨皮膚頑
痺腹內宿冷冷血瘀血腰脚疼冷炒令熱
袋盛熱熨之主偏風筋骨癱緩手足不隨
及腰脚軟皮膚頑痺

禹錫云按日華子云晚蠶蛾壯陽事止泄
精尿血暖水藏又蠶蛾平治暴風金瘡凍

瘡湯火瘡并滅瘡癩入藥炒用又云蠶布
紙平治吐血鼻洪腸風瀉血崩中帶下赤
白痢傅丁腫瘡入藥燒用又云蠶沙治風
痺頑疾不仁腸鳴

聖惠方治風瘙癢瘰遍身痒成瘡用蠶沙

日七

二十三

一升水二斗煮取一斗二升去滓温熱洗

宜避風

勝金方治刀斧傷止血生肌天蛾散晚蠶
蛾爲末摻勻絹裹隨手瘡合血止一切金

瘡亦治

簡要濟衆方小兒撮口及發噤方晚蠶蛾
二枚炙令黃爲末蜜和傅兒口唇內

衍義曰原蠶蛾有原復敏速之義此則第
二番蛾也白殭蠶條中已具屎飼牛代穀
又以三升醇酒拌蠶屎五斗用甑蒸熟於

暖室中鋪於油單上令患風冷氣閉及近
感癱風人就所患一邊卧看溫熱厚蓋覆
汗出爲度若虛人須常在左右防大熱昏
冒仍令頭面不得壅覆未全愈間再作

蠶退

主血風病益婦人一名馬鳴退近世醫

家多用蠶退紙而東方諸醫用蠶欲老眠起
所蛻皮雖二者之用各殊然東人所用者爲
正用之當微炒和諸藥可作丸散服

集驗方治纏喉風及喉痺牙癰口瘡并小
兒走馬疳蠶蛾退紙不計多少燒成灰存

性又鍊蜜和丸如雞頭大含化嚥津牙宣
牙癰揩齦上口瘡乾傳患處小兒走馬疳
入射香少許貼患處佳

衍義曰蠶退治婦人血風此則眠起時所
蛻皮也其蠶退紙謂之蠶連亦燒灰用之

治婦人血露

蛞蝓



蛞蝓

上音闊
下音俞

味鹹寒無毒主賊風啗

啗切
乖僻

軼

益音

筋及脫肛驚癇攣縮一名陵蠡一名土

蝸一名附蝸生泰山池澤及陰地沙石垣下

八月收

陶隱居云今蛞蝓無殼不應有蝸名其附

蝸者復名蝸牛生池澤沙石則應是今山

蝸或當言其頭形類猶似蝸牛蟲者俗名

蝸牛者作瓜字則蝸字亦音瓜莊子所云

見七

二十四

戰於蝸角也蛞蝓入三十六禽限又是四

種角蟲之例營室星之精矣方家殆無復

用手

禹錫云按爾雅云附蟻羸蝓注云蝸牛也

而玉篇蝓字下注亦云蟻蝓蝸牛也此

一物明矣形似小螺白色生池澤草樹間
頭有四角行則出驚之則縮首尾俱能藏
入殼中而蘇注云無殼蝸牛非也

衍義曰蛞蝓蝸牛二物矣蛞蝓其身肉止
一段蝸牛背上別有肉以負殼行顯然異

曰七

二十五

矣其為一物經中焉得分為二條也其治
療亦大同小異故知別類又謂蛞蝓是蝸
牛之老者甚無謂蛞蝓有二角蝸牛四角
兼背有皮殼肉豈得為一物也

蝸牛 味鹹寒主賊風啞僻踈跌大腸下脫肛

筋急及驚癩

陶隱居云蝸牛字是力戈切而俗呼爲瓜牛生山中及人家頭形如蛞蝓但背負殼爾前以注說之海邊又一種正相似火炙殼便走出食之益顏色名爲寄居方家既不復用人無取者

禹錫云按藥性論云蝸牛角亦可單用又名蠱牛有小毒能治大腸脫肛生研取服止消渴

日華子云冷有毒治驚癩等入藥炒用此

即負殼蜒蚰也

聖惠方治齒齲并有蟲用蝸牛殼三十枚
燒灰細研每用揩齒良又方治蜈蚣咬方
用蝸牛擣取汁滴入咬處又方治大腸久
積則虛冷因大便脫肛收不得蝸牛一兩

燒灰猪脂和傅之

集驗方治發背以蝸牛一百枚活者以一
升淨餅入蝸牛用新汲水一盞浸餅中封
繫自晚至明取蝸牛放之其水如涎將真
蛤粉不以多少調以雞翎刷瘡上日可十

餘度其熱痛止瘡便愈
衍義曰文具蛞蝓條下

石龍子



石龍子

味鹹寒有小毒主五瘡邪結氣破石

淋下血利小便水道一名蜥蜴

上音錫
下音亦

一名

山龍子一名守宮一名石蜴生平陽川谷及
荆山山石間五月取著石上令乾惡硫黃班
猫蕪莢

陶隱居云其類有四種一大形純黃色爲
蛇醫母亦名蛇舅母不入藥次似蛇醫小

曰七

二十六

形長尾見人不動名龍子次有小形而五
色尾青碧可愛名蜥蜴並不螫人一種喜
緣籬壁名蝮蛭形小而黑乃言螫人必死
而未嘗聞中人按東方朔云是非守宮則
蜥蜴如此蝮蛭名守宮矣以朱飼之滿三

斤殺乾末以塗女子身有交接事便脫不
爾如赤誌故謂守官今此一名守宮猶如
野葛鬼曰之義也殊難分別

禹錫云按蜀本圖經云長者一尺今出山
南襄州安州申州以三四八九月採去腹

月七

二十七

物入乾

衍義曰石龍子蜥蜴也今人但呼爲蜥蜴
大者長七八寸身有金碧色孝仁廟朝有
一蜥蜴在右掖門西濬溝廟中此真是蜥
蜴也鄭狀元有詩有樵者於澗下行見一

蜥蜴自石罅中出飲水訖而入良久凡百
十次尚不已樵者疑不免翻石視之有水
雹一二升樵人訝而去行方三五里大雨
至良久風雹暴作令之州縣依法用此祈
雨經云治五瘞破石淋利水道亦此義乎

樗雞



樗雞

樗丑
如切

味苦平有小毒主心腹邪氣陰痿

益精強志生子好色補中輕身又療腰扁下
氣強陰多精不可近目生河中川谷樗樹上
七月採曝乾

陶隱居云形似寒蠶而小今出梁州方用
至稀惟合大麝香丸用之樗樹似漆而吳
今以此樹上為好亦如芫菁亭長必以芫
葛上為良矣

唐本註云此物有二種以五色貝者為雄

良青黑質白斑者是雌不入藥用今出歧州河內無此物

衍義曰樗雞東西京界尤多形類蠶蛾但頭足微黑翅兩重外一重灰色下一重深紅五色皆具腹大此即樗雞也今人又用

日七

二十八

之行瘀血月閉

木蟲



+

木蟲

音萌

味苦平有毒主目赤痛皆傷淚出瘀

血血閉寒熱酸傷音西無子一名鳧常生漢中

川澤五月取

圖經曰木蟲生漢中川澤蜚生江夏川谷今並處處有之而襄漢近地尤多蟲有數種皆能啗牛馬血味蟲最大而綠色幾若蜩蟬蜚蟲狀如蜜蜂黃色醫方所用蟲中蟲即此也又有一種小蟲名鹿蟲大如蠅啞

牛馬亦猛三種大抵同體俱能治血而方家相承只用蜚蠊他不復用並五月採腹有血者良人伺其噉齧牛馬時腹紅者掩取乾之用入藥須去翅足也

陶隱居云此蠱不噉血狀似蠱而小近道

曰七

二十九

中不見市人亦常有賣者方家所用惟蜚蠱也

淮南子散積血斲木愈齧丘主切此以類推

之者也然今本草不著斲木之治病亦漏

脫耳

肘後方葛氏云蛇螫人九竅皆血出方取
蝨蟲初食牛馬血腹滿者二七枚燒服之
衍義曰木蝨大小有三種蜚蝨今人多用
之大如蜜蜂腹凹偏微黃綠色雄霸州順
安軍沿塘灤界河甚多以其惟食牛馬等
血故治瘀血血閉

蝨蟲



蝨蟲

蝨音

味鹹寒有毒主心腹寒熱洗洗血

積癥瘕破堅下血閉生子大良一名地蠶一
名土蠶生河東川澤及沙中人家牆壁下土

中濕處十月取暴乾畏皂角菖蒲

陶隱居云形扁扁如蠶故名土蠶而有甲
不能飛小有臭氣今人家亦有之

唐本註云此物好生鼠壤土中及屋壁下
狀似鼠婦而大者寸餘形似蠶無甲但有

鱗也

禹錫云按藥性論云麇蟲使畏屋遊味苦
鹹治月水不通破留血積聚


張仲景治雜病方主久瘕積結有大黃麇
蟲丸又大鼈甲丸中并治婦人藥並用

曰七

三十

衍義曰麇蟲今人謂之簸箕蟲為其像形
也乳脉不行研一枚水半合濾清服勿使
服藥人知也

鮫魚



沙魚



諸魚文也

圖說曰鮫魚

鮫魚皮

主蠱氣蠱疰方用之即裝刀靶音霸鮫

音鵠魚皮也

圖經曰鮫魚皮舊不著所出州土蘇恭云
出南海形似鼈無脚而有尾山海經云鮫
沙魚其皮可以飾劍是也今南人但謂之

見

三十一

沙魚然有二種其最大而長喙如鋸者謂
之胡沙性善而肉美小而皮麤者曰白沙
肉彊而有小毒二種彼人皆鹽為脩脯其
皮刮治去沙剪為膾皆食品之美者食之
益人然皆不類鼈蓋其種類之別耳

唐本註云出南海形似鼈無脚而有尾
陳藏器云一名沙魚一名鮫魚皮主食魚
中毒燒末服之唐本先附

禹錫云按蜀本圖經云圓廣尺餘尾長尺
許惟無足背皮麤錯

日華子云鮫魚平微毒

胡洽云治五尸鬼疰百毒惡氣等鮫魚皮
散主之鮫魚皮炙朱砂雄黃金牙椒天雄
細辛鬼臼麝香乾薑雞舌香桂心莽草各
一兩貝母半兩蜈蚣炙蜴蜥炙各二枚凡

十六物治下篩溫清酒服半錢七日三漸
增至五分七亦作帶之中用蜈蚣蜴蜥皆
此品類中故并載方


食療云平補五藏作鱸食之亞於鯽魚作
鮓鮓食之並同又有大患喉閉取膽汁和
白礬灰丸之如豆顆綿裹內喉中良久吐
惡涎沫即喉嚨開臘月取之

海藥云謹按名醫別錄云生廣州南海味
甘鹹無毒主心氣鬼疰蠱毒吐血皮上有

真珠斑

衍義曰鮫魚沙魚皮一等形稍異令人取皮飾鞍劍餘如經

青魚



青魚味甘平無毒肉主脚氣濕痺作鮓與服

石人相反眼睛主能夜視○頭中枕蒸取乾


代琥珀用之摩服主心腹痛○膽主目暗滴
汁目中并塗惡瘡生江湖間

禹錫云按蕭炳云療卒氣研服止腹痛可
白煮喫治脚氣脚弱

日華子云作鯖字平微毒治脚軟煩滿益

氣力枕用醋摩治水氣血氣心痛不可同
葵蒜食之服术人亦勿噉也

紫貝



紫貝明目去熱毒

圖經曰紫貝本經不載所出州土蘇恭注

云出東海及南海上今南海多有之即研

礪也形似貝而圓大二三寸儋振夷黎採

以為貨市北人惟畫家用研物又車螯之

紫者海人亦謂之紫貝車螯近世治癰疽

方中多用其殼燒燬為灰傳瘡南海北海

皆有之採無時人亦食其肉云味鹹平無
毒似蛤鱗而肉堅硬不及亦可解酒毒不
中者殼麤不堪用

唐本註云形似貝圓大二三寸生東海及
南海上紫斑而骨白唐本先附

衍義曰紫貝大二三寸背上深紫有點俱
黑本經以此燒存性入瞭眼藥

緣桑螺主人患脫肛燒末和猪膏傅之脫肛

立縮此螺全似蝸牛黃小兩後好緣桑葉

范汪方脫肛緣桑樹螺燒之以猪脂和傅

之立縮亦可未傳之

蜚蠊

味苦微寒有毒主逐瘀血破下血積堅痞癥瘕寒熱通利血脉及九竅女子月水不通積聚除賊血在胃腹五藏者及喉痺結塞生江夏川谷五月取腹有血者良

陶隱居云此即今噉牛馬血者伺其腹滿掩取用之方家皆呼爲蠱蟲矣

唐本註云三蟲俱食牛馬非獨此也但得即堪用何假血克然始掩取如以義求應如養鷹飢則爲用若伺其飽何能除疾爾

禹錫云按藥性論云蝨蟲使一名蜚蝨惡
麻黃

日華子云破癥結消積膿墮胎入丸散除
去翅足炒用之

蜚蝨

味鹹寒有毒主血瘀癥堅寒熱破積聚

日七

三十四

喉咽痺內寒無子通利血脉生晉陽川澤及
人家屋間立秋採

圖經曰文具木蝨條下

陶隱居云形亦似塵蟲而輕小能飛舉於
草中八月九月知寒多入人家屋裏逃爾

有兩三種以作廉薑氣者爲真南人亦噉
之一曰石薑一名蠶蛾腹下赤二月八月採此即
唐本註云此蟲味辛辣而臭漢中人食之
言下氣名曰石薑一名蠶蠶蟹一名負盤別
錄云形似蠶蛾腹下赤二月八月採此即
南人謂之滑蟲也

禹錫云按蜀本圖經云金州房州等山人
敢之謂之石薑多在林樹間百十爲聚爾
雅云蜚蠊蟹注云蟹即負盤臭蟲

白魚

味甘平無毒主胃氣開胃下食去水氣

令人肥健大者六七尺色白頭昂生江湖中

禹錫云按孟詵云白魚主脾家不足氣不堪多食泥人心雖不發病終養蠶所食新者好久食令人心腹諸病可煮炙於葱醋中一兩沸食猶少調五藏氣理經脉

曰七

三十五

日華子云助血脉補肝明目患瘡癰人不
可食甚發膿灸瘡不發作鱠食之良

鰕魚

味甘平無毒主腹內惡血益氣力令人

肥健去腹內小蟲背有黑點味尤重皆仙人
劉憑常食桂魚今此魚尤有桂名恐是此也

生江溪間

禹錫云按日華子云微毒益氣治腸風瀉
血又名鰕豚水豚

河狔味甘溫無毒主補虛去濕氣理腰脚去
痔疾殺蟲江河淮皆有

陳藏器云如鯰魚口尖一名鮑魚也

禹錫云按日華子云河狔有毒又云胡夷
魚涼有毒煮和禿菜食良毒以蘆根及檉
攬等解之肝有大毒又名鰕魚規魚吹肚

魚

衍義曰河狔經言無毒此魚實有大毒味
雖珍然修治不如法食之殺人不可不謹
也厚生者不食亦好蘇子美云河狔于此
時貴不數魚蝦此即詩家鄙諷之言未足
全信也然此物多怒觸之則怒氣滿腹翻
浮水上漁人就以物療之遂為人獲橄欖
并蘆根汁解其毒

石首魚

味甘無毒頭中有石如棊子主下石
淋磨石服之亦燒為灰末服和萼菜作羹開

胃益氣候乾食之名為鮫音想炙食之主消瓜

成水亦士卒腹脹食不消暴下痢初出水能
鳴夜視有光又野鴨頭中有石云是此魚所
化生東海

禹錫云按陳士良云石首魚平

日華子云取腦中枕燒為末飲下治淋也

日七

三十六

嘉魚味甘溫無毒食之令人肥健悅澤此乳

穴中小魚常食乳水所以益人能久食之力
強於乳有似英雞功用同乳

陳藏器云吳都賦云嘉魚出於丙穴李善

注云丙日也今人不然丙者向陽穴也

陽穴多生此魚魚復何能擇丙日耶此注
誤矣新注云治腎虛消渴及勞損羸瘦皆
煮食之又抱朴子云鳩知夜半燕知戊己
豈魚不知丙日也

食療云微溫常於崖石下孔中喫乳石沫

甚補益微有毒其味甚珍美也

鰻魚

味甘平無毒主開胃通利五藏久食令

人肥健此魚食泥與百藥無忌似鯉身圓頭
扁骨軟生江海淺水中

鱸魚

平補五藏益筋骨和腸胃治水氣多食

宜人作鮓猶良又暴乾甚香美雖有小毒不
至發病一云多食發痲痺及瘡腫不可與乳
酪同食

食療云平主安胎補中作鱠尤佳

衍義曰鱸魚益肝腎補五藏和腸胃食之

日七

三十七

宜人不甚發病宜然張翰思之也

鱖平微毒治痔殺蟲多食發嗽并瘡癬殼入

香發衆香氣尾燒焦治腸風瀉血并崩中帶
下及產後刺脂燒集鼠

陳藏器云味辛無毒主治野雞病殺蟲發

嗽殼發衆香尾灰斷產後痢膏燒集鼠未
試生南海大者如扇牡牝相隨牝無目得
牡始行牡去牝死以骨及尾尾長二尺燒
爲黑灰末酒下大主產後痢先服生地黃
蜜等煎訖然後服尾無不斷也

鼈

陶云鼈肉補此老者能變化爲魅按

鼈甲功用同鼈甲炙浸酒主瘰癧殺蟲逐風
惡瘡瘦風頑疥癬肉主濕氣諸邪氣盡消百
藥毒張鼎云膏塗摩之便明未試膏摩風及惡
瘡子如雞卵正圓煮之白不凝今世人謂藏

卵爲龜子似此非爲木石杙也至難死剔其肉盡頭猶咬物可以張鳶鳥

食療云微温主五藏邪氣殺百蟲蠱毒消百藥毒續人筋又膏塗鐵摩之便明淮南術方中有用處

海馬謹按異志云生西海大小如守宮蟲形若馬形其色黃褐性温平無毒主婦人難產帶之於身神驗此外別無諸要用今無

齊蛤遠志注陶云遠志畏齊蛤蘇云藥錄下

卷有蛤而不言功狀注又云蠟畏齊蛤按齊

蛤如蛤兩頭尖小生海水中無別功用海人食之

蚱蜢

石蟹注陶云石蟹如蚱蜢形長小兩股如石蟹在草頭能飛蟲蝨之類無別功與蚘蚓交在土中得之堪為媚藥入拾遺記

圖經衍義本草卷之三十二

共



